



1. UVOD



Proglašenjem Ustava Unsko-sanskog kantona 1995. godine i (slika br.1 i 2, KMUP Bihać)



uspostavljenjem Kantona 1. formirano je Kantonalno ministarstvo policije. Tada je ovo Ministarstvo imalo svega 69 aktivnih policajaca u osam Stanica javne bezbjednosti i samom sjedištu Ministarstva. Godine 1997. Ministarstvo policije prerasta u Ministarstvo unutrašnjih poslova Unsko-sanskog kantona, a Stanice javne bezbjednosti u Policijske uprave. Od oktobra 1997.godine i na područjima Kulen Vakufa i Martin Broda, područjima koja po Zakonu o Federalnim jedinicama ulaze u sastav Unsko-sanskog kantona, uspostavljena je kontrola policije ovog Unsko-sanskog kantona. Uz pomoć međunarodnih policijskih snaga UN-a, ovlaštena službena lica Ministarstva unutrašnjih poslova Unsko-sanskog kantona 1. decembra 1997. godine dali su svečane izjave, promovirali novu uniformu i konstituisali kantonalnu policiju po evropskim standardima. Unsko-sanski kanton među prvima je u Zakon o unutrašnjim poslovima ugradio instituciju Komesara.

Zadatak Kantonalnog ministarstva unutrašnjih poslova Bihać, njegovih organizacionih jedinica i službenika je da građanima pruže što kvalitetniju i što profesionalniju uslugu, koja se ogleda u zaštiti svih ljudi i imovine, poštivanju važećih zakona i propisa, sprečavanju kriminala, te održavanju javnog reda. Sve to u okviru sprovođenja zakona, mora biti ostvareno nepristrasno i u skladu sa najvišim standardima profesionalnog ponašanja i poštivanja ljudskih prava i sloboda. Istovremeno, Ministarstvo unutrašnjih



poslova USK nastoji ostvariti povjerenje i suradnju građana, kroz niz projekata od kojih je najvažniji "Partnerstvo sa zajednicom", u cilju poboljšanja kvaliteta sigurnosti svih građana Unsko-sanskog kantona. U procesu aktualnih reformi i demokratizacije društva, uloga i odgovornost policije je osobito velika. Procesi transformacije usmjereni ka uspostavi demokratske, moderne i profesionalne policije stalan su cilj. Neki od zahtjeva koji su već ispunjeni i koji su omogućili efikasniji rad u zajednici su : uvođenje projekta komesara policije koji je rezultirao velikim promjenama u organizacionom i operativnom radu policije te apolitičnosti policije, racionalizacija i smanjenje broja policijskih uprava i odjeljenja , usvajanje niza podzakonskih akata (Pravilnik o unutarnjoj organizaciji KMUP-a, Uredba o javnom žalbenom birou, Uredba o činovima, idr.), osnovnih i poželjnih standarda, i niza programa u okvirima policijske nadležnosti .

U skladu sa međunarodnim standardima i preporukama Misije UN-a uobličena je VIZIJA IZJAVE kojom se Ministarstvo unutrašnjih poslova obavezuje da će :

Nastaviti proces transformacije u jednu naprednu organizaciju s ciljem stvaranja demokratski orijentirane službe.

Depolitizirati policiju.

Održati nivo multietničnosti u policijskoj strukturi , u skladu sa Bonso-petersburškim sporazumom.

Pružati svoje usluge na transparentan, otvoren i fleksibilan način.

Djelovati kao dio zajednice



Slijediti sva usvojena načela policijskog rada kako bi osiguralo sigurnu okolinu.

Raditi na stvaranju uzajamnog povjerenja.

Sticati povjerenje međunarodne zajednice i raditi na ostvarivanju evropske integracije

Rezultati koji su postignuti na uspostavi i primjeni navedenih ciljeva i vrijednosti potvrdila je i Misija UN-a Bosne i Hercegovine, koja je Ministarstvo unutrašnjih poslova Unsko-sanskog kantona akreditovala u oktobru 2002. godine, čime je ovo Ministarstvo verificirano da ispunjava osnovne standarde demokratskog provođenja zakona.



Slika br.3 Inauguracija pripadnika Ministarstva unutrašnjih poslova na poligonu Doma Armije u Bihaću



Unutrašnju organizaciju Kantonalnog ministarstva unutrašnjih poslova čine:

1. Kabinet
2. Uprava za policijske poslove
3. Uprava za administraciju i podršku

1 - U sastavu Kabineta ministra nalazi se Odsjek za odnose sa javnošću i Javno žalbeni biro. U djelokrugu Kabineta je realizacija u oblasti unutrašnjih poslova koji proizilaze iz Programa rada Ministarstva, poslovi vezani za obavljanje funkcije ministra, poslovi vezani za odnose sa javnošću te suradnja sa predstavnicima sredstava javnog informiranja, priprema materijala iz djelokruga rada Kabineta, ostvarivanje suradnje sa drugim organima uprave i drugim organizacijama u vezi sa izvršavanjem poslova iz djelokruga Kabineta.

2 - Uprava za policijske poslove sastoji se od : Ureda komesara , Sektora uniformirane policije, Sektora kriminalističke policije i Policijskih uprava.

Ured komesara sastoji se od : Odsjeka za odnose sa javnošću, Odsjeka za unutrašnju kontrolu, Odsjek za kadrovske i logističke poslove , Odsjek za edukaciju, Operativni centar, Odsjek za telekomunikacije i tehničke poslove i Odsjek za informacione sisteme.

Sektor uniformirane policije sastoji se od : Inspektorata, Jedinice za podršku i Jedinice za saobraćaj.



Sektor kriminalističke policije nadležan je za praćenje, analizu i prevenciju, hapšenje počinitelja i istrage krivičnih djela. Sektor kriminalističke policije sastoji se od: Odsjeka za opći kriminalitet, Odsjeka za privredni kriminalitet, Odsjeka za posebne namjene, Kriminalističko obavještajne jedinice i Odsjeka za kriminalističku tehniku i KDZ.

Na području Unsko-sanskog kantona formirane su tri Policijske uprave i to:

PU 1. sa sjedištem u Bihaću, ima zonu djelovanja u općinama Bihać, Bosanski Petrovac i Bosanska Krupa

PU 2. sa sjedištem u Cazinu, ima zonu djelovanja u općinama Cazin, Velika Kladuša i Bužim

PU 3. sa sjedištem u Sanskom Mostu, ima zonu djelovanja u općinama Sanski Most i Ključ

Policijske uprave sastoje se od : Operativnog centra, Odsjeka kriminalističke policije i Policijske stanice.

3 - Uprava za administraciju i podršku sastoji se od : Sektora za administraciju, Sektora za podršku i Sektora za tehničku podršku i CIPS .

Uprava za administraciju i podršku je nadležna za sve poslove i zadatke iz nadležnosti Ministarstva, osim onih koje vrši Uprava za policijske poslove, Odsjek za unutrašnju kontrolu, Javno žalbeni biro i Kabinet ministra. Uprava u okviru svoje nadležnosti vrši organizacijske, stručne i druge poslove koji se odnose na : nadzor nad zakonitošću primjena posebnih ovlaštenja i i rješavanja upravnih predmeta, praćenje, analiziranje i pravno tumačenje propisa



iz radnih odnosa koji se odnose na organe unutrašnjih poslova, kontrola, boravak i djelatnost stranaca, komercijalni poslovi, nabavke, skladištenja, materijalno- finansijski i administrativno obračunski poslovi, inspekcijski nadzor nad provođenjem zakona i drugih propisa iz oblasti zaštite od požara, kontrola nadzor i odobravanje rada auto škola i centara za tehnički pregled na području kantona, tehničko održavanje objekata, sredstava i opreme i osiguranje cjelokupne imovine idrugi poslovi.

Sektor za administraciju sastoji se od : Odsjeka za pravne i upravne poslove, Odsjeka za kadrovske poslove, Odsjeka za izradu putnih isprava i drugih dokumenata, Odsjeka za strance, Odsjeka za zaštitu od požara i eksplozija i Pisarnice.

Sektor za podršku sastoji se od : Odsjeka za računovodstvo, Odsjeka za komercijalne i opšte poslove i Auto -servisa.

Sektor za tehniku sastoji se od : Odsjeka za tehniku i Odsjeka za CIPS.

Kroz ovaj diplomski rad ja ću da predstavim informacionu i organizacionu strukturu koja je jako složena jer zahtjeva veliku povezanost svih MUP-ova i njihovih Odjeka kako bi se postigla što veća efikasnost.